

Кон-геология вазирлигининг
2023 йил 12 апрелдаги
27-сонли буйруғига
6-ИЛОВА

**Тоғ-кон саноати ва геология вазирлиги ходимларининг этика ва
коррупцияга қарши курашиш соҳасида ўқитилишини
ташкил қилиш бўйича
ЙЎРИҚНОМА**

I-боб. Умумий қоидалар

1. Ушбу Йўриқнома Тоғ-кон саноати ва геология вазирлиги, (кейинги ўринларда – Вазирлик деб юритилади) ходимларининг этика ва коррупцияга қарши курашиш масалалари бўйича ўқитилишини ташкил қилиш бўйича тавсия ва қўлланмаларни белгилаб беради.

2. Ушбу Йўриқнома коррупциявий ҳаракатларнинг олдини олиш ва уларни содир қилишга хизмат қиласиган сабабларни бартараф этиш, ходимларнинг ҳукуқий онгини ошириш ва уларни Ўзбекистон Республикаси қонунчилиги ва Вазирликнинг бошқа ички ҳужжатларига қатъий риоя қилиш руҳида тарбиялашга қаратилган.

3. Вазирлик ходимларини этика ва коррупцияга қарши курашиш соҳасида ўқитиш (кейинги ўринларда – ўқитиш) бўйича Иж режаси ва материаллари Ўзбекистон Республикаси қонунчилиги ва ушбу Йўриқномага мувофиқ ишлаб чиқилади.

II-боб. Ўқитишнинг асосий тамойиллари

4. Вазирлик ходимларини ўқитиш қўйидаги тамойилларга асосланади:

холислик ва илмийлик – этика ва коррупцияга қарши курашиш соҳасидаги ўқув материалларни тайёрлаш учун масъул шахслар уларнинг Ўзбекистон Республикаси қонунчилиги талаблари, халқаро стандартлар ҳамда этика ва коррупцияга қарши курашиш назарияси ва амалиётига доир илмий тадқиқотлар натижаларига мувофиқлигини таъминлайди;

амалий жиҳатдан қулайлик – Вазирлик ходимларини ўқитиш шакллари, усуллари ва материаллари амалий аҳамиятга эга бўлиши, реал вазиятларга асосланиши, шунингдек, ходимлар томонидан олинган билимларни тушуниш даражаси ва уларни аниқ амалий вазифаларни ҳал этишда қўллаш имкониятини назорат қилинишини ўз ичига олиши лозим;

кетма-кетлилик ва тизимлилик – этика ва коррупцияга қарши курашиш соҳасидаги ўқув материаллари, шунингдек, Вазирлик ходимларини ўқитиш тартиби изчил ва тузилмавий-мантиқий тизимни ифодалайди. Ўқитиш умумий тушунчалар ва воқеликлардан жузъийларига, оддийдан мураккабга, бошланғичдан мукаммалга ва ҳ.к ўтиш асосида амалга оширилади;

хаммабоплик – Ўқитиш Вазирлик ходимларининг жорий билимлари ва қўникмаларини ҳисобга олиш, Вазирликнинг барча ходимлари учун тушунарли бўлган ўқув материаллирини шакллантириш;

дифференциаланган ёндашув – Вазирликда коррупцияга қарши ўқитиш аниқ функциялар ва тартиб-таомиллардаги коррупциявий хавф-хатар натижаларини ҳисобга олади. Коррупциявий хавф-хатарларга энг кўп мойил бўлган лавозимларни эгаллаб турган ходимлар коррупцияга қарши қўшимча равишида маҳсус ўқитилади;

ўқитиш усуллари ва шаклларини доимий равишида такомиллаштириш – Вазирлик ўқув материалларини ишлаб чиқиш, ўқитиш, шунингдек Вазирлик ходимлари томонидан билимлар ўзлаштирилганини текшириш вақтида техник ва илмий тараққиётнинг инновацион ютуқларидан фойдаланишга ҳаракат қиласди.

III-боб. Ўқитишнинг устувор вазифалари

5. Ўқитиш шакллари ва усулларини аниқлашда, шунингдек, этика ва коррупцияга қарши курашиш соҳасидаги ўқув материалларини шакллантиришда Вазирлик ходимларини этика ва коррупцияга қарши курашиш соҳасида ўқитиш учун масъул шахслар қуидаги устувор вазифаларга таяниши лозим:

коррупция моҳияти, унинг Вазирлик ҳаётининг турли соҳалари, Вазирликнинг функция ва тартиб-таомилларида пайдо бўлиш шакллари ва ўзига хос жиҳатлари, сабаблари, ижтимоий жиҳатдан хавфли ва зарарли оқибатлари тўғрисида умумий тасаввурни шакллантириш;

Ўзбекистон Республикаси қонунчилиги, Вазирликнинг Коррупцияга қарши куаш сиёсати билан белгиланган этика ва коррупцияга қарши хулқ-атворнинг аҳлоқий қадриятлари ва Вазирликнинг бошқа ички ҳужжатларига қатъий ва сўзсиз риоя қилишга асосланган хулқ-атвор моделини шакллантириш;

Вазирлик ходимларини Вазирликда амал қилувчи коррупцияга қарши куаш тамойиллари, талаблари ва тартиб-таомиллари билан таништириш;

коррупциявий хавф-хатарларни келиб чиқишига хизмат қилувчи шарт-шароитларни аниқлаш ва уларнинг олдини олиш қобилиятини шакллантириш, коррупциявий хулқ-атвор, Вазирликнинг этик хулқ-атвор қоидалари бузилишига нисбатан тоқатсизликни намоён этиш.

IV-боб. Ўқитиши ишлаб чиқиши ва ўтказишга масъул шахслар

6. Вазирликнинг Инсон ресурсларини ривожлантириш ва бошқариш бўлими Вазирлик ходимларини ўқитиши режаларини тайёрлаш, тегишли ўкув материалларини ишлаб чиқиши, ўқитиши, шунингдек, Вазирликда бундай ўқитиши мониторинг ва назорат қилиш учун масъулдир.

7. Вазирликнинг Коррупцияга қарши ички назорат бўлими (кейинги ўринларда – Ички назорат бўлими) Вазирлик ходимларини ўқитиши режаларини тайёрлашда иштирок этади, коррупцияга қарши кураш соҳасидаги ўкув материалларни ишлаб чиқади, ўқитиши ўтказилишини мувофиқлаштиради.

8. Вазирликнинг Инсон ресурсларини ривожлантириш ва бошқариш бўлими ўқитиши интизоми ва унга доир ахборотлар йигилишини назорат қиласди.

9. Вазирлик Ички назорат бўлими ва Инсон ресурсларини ривожлантириш ва бошқариш бўлими тегишли тажрибага эга халқаро ёки маҳаллий ташкилотлар билан тузилган шартномалар (Вазирликда белгиланган тартибда) асосида ўкув материалларини тайёрлаш ҳамда Ўқитиши амалга ошириш учун учинчи шахсларни жалб қилиши мумкин.

V-боб. Ўқитиши турлари ва шакллари

10. Ўқитиши қўйидаги ўкув дастурларини кўзда тутиши лозим:

барча ходимлар учун коррупцияга қарши умумий ўқитиши;

Вазирлик ходимларининг этик хулқ-атвори қоидалари бўйича умумий ўқитиши;

коррупциявий хавф-хатарга энг кўп мойил бўлган лавозимлар учун коррупцияга қарши маҳсус ўқитиши;

Вазирликда коррупцияга қарши курашиш тизимининг амал қилиши ва ривожланиши учун масъул бўлган ходимлар учун коррупцияга қарши маҳсус ўқитиши.

11. Умумий коррупцияга қарши ўқитиши ва Вазирлик тизими ходимларининг этик хулқ-атвори қоидалари бўйича умумий ўқитиши Вазирликнинг барча ходимлари учун мажбурий ҳисобланади.

12. Вазирликнинг барча ходимлари учун коррупцияга қарши умумий ўқитиши амалий йўналтирилган бўлиши ва қўйидаги янги билимларга эга бўлиш ёки мавжуд билимларни такрорлаш имкониятини яратиши лозим:

Ўзбекистон Республикасининг коррупцияга қарши қонунчилиги, Вазирликнинг коррупцияга қарши курашиш масалалари, жумладан, ўрнатилган таъкидлар, чекловлар, ҳукуқ ва мажбуриятлар, хизмат хулқ-атворига қўйилган талаблар, Вазирлик ходимларининг коррупциявий ҳаракатлари аниқланганда ҳаракатлар кетма-кетлигига доир ички ҳужжатларини билиш;

коррупцияга қарши курашиш, манфаатлар түқнашуви ва коррупцияга қарши бошқа талаблар соҳасидаги хуқуқни қўллаш амалиётига доир билимлар;

олинган билимларни қўллаш кўникмалари, жумладан Вазирликнинг турли фаолият соҳаларидаги коррупциявий хавф-хатарларни баҳолаш қобилияти, Вазирликда ўрнатилган коррупцияга қарши кураш чораларини амалиётда қўллай билиш.

Коррупцияга қарши умумий ўқитиш материалларига киритиш учун мазкур Йўриқномага 1-иловада келтирилган мавзулардан фойдаланиш тавсия этилади.

13. Вазирлик ходимларининг этик хулқ-атвор коидалари бўйича умумий ўқитиш Кўмитанинг барча ходимлари учун амалий йўналтирилган бўлиши ва Вазирликда қабул қилинган этика тамойиллари ва қоидаларига доир янги билимларга эга бўлиш ёки бор билимлар тақрорланишини таъминлаши лозим.

14. Вазирлик ходимлари умумий коррупцияга қарши ўқитиш ва Вазирлик ходимларининг этик хулқ-атвори қоидалари натижалари бўйича ўрганилган материал қанчалик ўзлаштирилгани ва тушунилганлиги ҳамда олинган билим ва кўникмаларни амалиётда қўллаш имкониятини текширишга қаратилган тест синовлари топшириши лозим.

15. Вазирлик ходимлари саволларнинг камида 80 фоизига тўғри жавоб берган тақдирда коррупцияга қарши умумий ўқитиш муваффақиятли ўзлаштирган ҳисобланади. Агар ходим саволларнинг 80 фоизидан камига тўғри жавоб берган бўлса, у тақорий тест синовларини тест топширган кундан бошлаб 5 иш куни ичida қайта топшириши мумкин.

16. Коррупциявий хавф-хатарга энг кўп мойил бўлган лавозимлар учун маҳсус коррупцияга қарши ўқитиш коррупцияга қарши умумий ўқитишдан мустақил (қўшимча) равишида ўтказилади.

17. Коррупциявий хавф-хатарга энг кўп мойил бўлган лавозимлар рўйхати Вазирликда коррупциявий хавф-хатарларни баҳолаш услубиётига мувофиқ шакллантирилади.

18. Коррупциявий хавф-хатарга энг кўп мойил бўлган лавозимлар учун коррупцияга қарши маҳсус ўқитиш қуидагилар тўғрисидаги маълумотни ўз ичига олиши лозим:

коррупциявий хавф-хатарга энг кўп мойил бўлган аниқ функция ва тартиб-таомиллардаги коррупциявий хавф-хатарларни аниқлаш ва минималлаштириш усуллари;

коррупциявий хавф-хатарга энг кўп мойил бўлган аниқ функция ва тартиб-таомиллардаги коррупциянинг намоён бўлиш шакллари ва турлари;

учинчи шахслар билан ўзаро алоқа қилишда коррупциявий хавф-хатарга энг кўп мойил бўлган аниқ функция ва тартиб-таомилларга хос бўлган коррупцияга қарши талаблар;

коррупциявий хавф-хатарга энг кўп мойил бўлган аниқ функцияларни амалга оширишда қўлланиладиган қўшимча талаб ва тартиб-таомилларни ўз ичига олувчи ички хужжатлар.

19. Вазирликда коррупцияга қарши курашиш тизимининг амал қилиши ва ривожланиши учун масъул ходимларни коррупцияга қарши маҳсус ўқитиш йилига камида бир марта малака ошириш шаклида (семинар, тренинг ва бошқа) коррупцияга қарши қураш соҳасидаги экспертларни жалб қилиш, шунингдек, бундай ўқитишларга ихтисослашган ваколатли учинчи шахслар (ташкилотлар) томонидан ташкил этиладиган тренингларда иштирок этиш орқали ўтказилади.

20. Вазирликда коррупцияга қарши курашиш тизимининг амал қилиши ва ривожланиши учун масъул ходимларни коррупцияга қарши маҳсус ўқитиш Ўзбекистон Республикасининг коррупцияга қарши курашиш бўйича қонунчилигидаги ўзгаришлар, коррупцияга қарши тизимларни шакллантириш ва давлат органларида коррупциянинг олдини олиш тадбирларини амалга ошириш борасидаги илғор халқаро методикаларни ўрганишни ўз ичига олиши лозим.

21. Ушбу Йўриқноманинг 19 бандида кўрсатиб ўтилган малака ошириш ва тренинглардан ўтиш йилига камида 10 (үн) соатни ўз ичига олиши лозим.

VI-боб. Ўқитиш муддатлари ва даврийлиги

22. Ўқитиш Ўзбекистон Республикаси қонунчилиги ва Вазирликнинг ички хужжатларида кўзда тутилган мажбурий малака ошириш доирасида ўқитиш, учинчи шахслар билан қўшма конференциялар, йиғилишлар, симпозиумлар ўтказилишидан қатъий назар амалга оширилади.

23. Вазирлик ходимлари этика ва коррупцияга қарши қураш соҳасида йилига камида бир марта ўқитилади.

24. Вазирлик ходимлари куйидаги ҳолларда коррупцияга қарши курашиш бўйича йилига бир мартадан кўп ўқитилади:

ходим коррупциявий хавф-хатарга энг кўп мойил бўлган лавозимни эгаллаб турган бўлса;

лавозимга тайинланганда ва ротация қилинганда, агар шахснинг янги лавозими коррупциявий хавф-хатарга энг кўп мойил бўлган лавозимлар рўйхатига кирса;

Вазирликда коррупциявий ҳаракатлар билан боғлиқ ҳолатлар аниқланганда ёки амалга оширилаётган тартиб-таомилнинг коррупциявий хавф-хатар даражаси ортганда;

Вазир қарорига мувофиқ.

25. Вазирликка ишга қабул қилинган ёки янги лавозимга ўтказилган ходимлар ишга кирган ёки янги лавозимга ўтган вақтдан бошлаб 30 кун ичida

коррупцияга қарши ва Вазирлик ходимларининг этик хулқ-атвори қоидалари бўйича умумий ўқитилиши шарт.

Ўқув санасини белгилашда этика ва коррупцияга қарши қурашиб соҳасида ўқитишнинг тасдиқланган йиллик жадвали, гуруҳда бўш ўринлар борлиги (кундузги ўқув шакли учун) ва мазкур бобнинг 22-23-бандларида кўзда тутилган ўқитиш муддатлари ва даврийлигига амал қилиш зарурати ҳисобга олинади.

Кейинги коррупцияга қарши умумий ўқитиш ва Вазирлик ходимларининг этик хулқ-атвор қоидалари бўйича умумий ўқитиш барча ходимлар учун Инсон ресурсларини ривожлантириш ва бошқариш бўлими томонидан йилига бир мартадан кам бўлмаган даврийликда белгиланади.

26. Ходим коррупциявий хавф-хатарга энг кўп мойил бўлган лавозимни эгаллаб тургани билан боғлиқ ҳолатларда ёки ходим шундай лавозимга тайинланганда маҳсус коррупцияга қарши ўқитиш этика ва коррупцияга қарши қурашиб соҳасида ўқитишнинг йиллик жадвалида белгиланган муддатларда амалга оширилади.

27. Инсон ресурсларини ривожлантириш ва бошқариш бўлими ҳар йили ўқитиш жадвалини тузади ва 31 декабргача уни Вазирга тасдиқлаш учун тақдим этади.

Ўқитиш жадвалини тузишида ходимлар томонидан олдинги ўқитиш муддатлари ҳисобга олинади.

Ўқитиш жадвалида албатта ўқитиш курси номи, санаси, шунингдек, ўқитиш тайинланган лавозимлар кўрсатилади.

Тасдиқланган жадвалга мувофиқ, Инсон ресурсларини ривожлантириш ва бошқариш бўлимининг масъул ходимлари ўқитиш бошланишидан 10 иш кун олдин ходимларни хабардор қиласди. Белгиланган муддатда ўқиш имконияти бўлмаса (кундузги ўқув шакли учун, масалан юқори мавсумий юклама, касаллик варақаси, режалаштирилган таътил сингари асосли сабаблар), ходим ўқиш бошланишидан 5 (беш) иш кунидан кечиктирмай ўқишни бошқа санага кўчириш мақсадида Инсон ресурсларини ривожлантириш ва бошқариш бўлимини огоҳлантириб қўйиши лозим.

VII-боб. Ўқитиш интизомини назорат қилиш ва ҳужжатларни сақлаш

28. Инсон ресурсларини ривожлантириш ва бошқариш бўлими Вазирлик ходимларининг этика ва коррупцияга қарши қурашиб соҳасида ўқитилишига доир маълумотларни йифиб боради ва уларни ҳар чоракда Вазирликнинг Ички назорат бўлимига тақдим этади.

Вазирликнинг Ички назорат бўлими олинган маълумотларни таҳлил қиласди (жумладан, ўқув интизоми, ходимлар учун қийинчилик түғдираётган мавзулар ва тест саволлари) ва таҳлил натижаларини коррупцияга қарши тизимнинг амал

қилиши ва ривожланиши масалалари бўйича доимий ҳисоботларга киритилишини, шунингдек, ўқув материаллари корректировка қилинишини (зарурат туғилганда) таъминлайди.

29. Ходим унга тайинланган ўқув ёки унинг натижалари бўйича тест синовларини белгиланган муддатларда ўтмаса, Инсон ресурсларини ривожлантириш ва бошқариш бўлими раҳбари бундай ходимнинг раҳбарини унга нисбатан тегишли қарор қабул қилиш мақсадида огоҳлантиради.

30. Ўқитиш жадвали, йўқлама варақалари, тест натижалари, ходим ўқиганлигини тасдиқловчи бошқа ҳужжатлар Инсон ресурсларини ривожлантириш ва бошқариш бўлимида сақланади.

VIII-боб. Якуний қоидалар

31. Ушбу Йўриқнома Ўзбекистон Республикаси қонунчилиги ва Вазирликнинг ички ҳужжатларидаги ўзгаришлар қиритилганда, коррупцияга қарши ўқитишни ташкил этиш соҳасидаги илғор халқаро амалиёт ўзгарган тақдирда қайта кўриб чиқилади. Вазирликнинг Ички назорат бўлими мазкур Йўриқномага ўзгартириш киритиш учун жавобгар ҳисобланади.

32. Вазирлик ходими эгаллаб турган лавозими, иш стажи, мавқеи ва бошқа омиллардан қатъий назар мазкур Йўриқноманинг тамойиллари ва талабларига риоя қилиш учун шахсан жавобгар ҳисобланади.

*Тоғ-кон саноати ва геология вазирлиги
 ходимларининг этика ва коррупцияга
 қарши курашиши соҳасида
 ўқитилишини ташкил қилиши бўйича
 йўриқномага илова*

Тоғ-кон саноати ва геология вазирлиги ходимларини коррупцияга қарши курашиш умумий ўқитишнинг МАВЗУЛАРИ

Мавзу	Компонентлар
Коррупциянинг табиати	<p>Коррупция тушунчаси, унинг шакллари ва сабаблари;</p> <p>Коррупциянинг ижтимоий-хуқуқий ҳодиса сифатидаги мазмуни;</p> <p>Вазирликда коррупцияга муносабат.</p>
Коррупцияга қарши курашишнинг хуқуқий асослари	<p>Коррупцияга қарши курашиш соҳасидаги қонунчилик;</p> <p>Вазирликда коррупцияга қарши курашишга доир ички ҳужжатлар, шу жумладан:</p> <ul style="list-style-type: none"> “Одоб-ахлоқ кодекси”; “Кон-геология вазирлигининг коррупцияга қарши сиёсати”; “Манфаатлар тўқнашувини бошқариш сиёсати”; “Совға бериш ва қабул қилиш сиёсати”; “Кон-геология вазирлигида контрагентларни текшириш бўйича қўлланма”; “Кон-геология вазирлигида ички текширувларни ўтказиш Сиёсати”. <p>Коррупцияга қарши курашиш бўйича халқаро амалиёт.</p>
Вазирликда коррупцияга қарши курашиш усуллари	<p>Вазирликдаги коррупцияга қарши курашиш тизими элементлари, шунингдек муҳим чора-тадбирлар шархи;</p> <p>Вазирликдаги манфаатлар тўқнашувининг олдини олиш, аниқлаш ва тартибга солиш;</p> <p>Вазирликнинг коррупцияга қарши курашиш сиёсати;</p> <p>Коррупцияга қарши курашиш соҳасидаги ходимлар ва таркибий бўлинмаларнинг мажбурият ва ваколатлари;</p> <p>Маъмурий тартиб-таомиллар ва регламентлардан фойдаланиш. Маъмурий тўсиқ ва бюрократизмни бартараф этиш;</p> <p>Коррупциявий ҳаракатлар/уларни содир этиш хавфи юзага келган вақтдаги ҳаракатлар;</p> <p>Коррупциявий ҳаракатлар тўғрисида хабар бериш</p>

Мавзу	Компонентлар
	(хабарларни узатиш каналлари, хабарлар мазмунига доир Йўриқнома, хабарларни кўриб чиқиш тамойиллари).
Коррупциявий хавф-хатарлар ва типик коррупциявий харакатлар	<p>Вазирликдаги хавф-хатарлар ва коррупциявий харакатларнинг асосий турлари;</p> <p>Назорат-руҳсат бериш функциялари ва тартиб-таомиллари доирасидаги коррупциявий хавф-хатарлар;</p> <p>Совғалар ва ишбилармонлик меҳмондўстлиги белгилари бериш/олишдаги коррупциявий хавф-хатарлар;</p> <p>Фуқаролар, контрагентлар ва учинчи шахслар билан ўзаро алоқалар билан боғлиқ коррупциявий хавф-хатарлар;</p> <p>Ходимларни Вазирликга танлаб олиш ва ишга қабул қилишдаги коррупциявий хавф-хатарлар;</p> <p>Харидларни амалга ошириш билан боғлиқ коррупциявий хавф-хатарлар;</p> <p>Турли хизмат турлари, функциялар учун лицензия бериш, шунингдек лицензия битимлари талаблари ва шартларини бажариш устидан назорат билан боғлиқ коррупциявий хавф-хатарлар;</p> <p>Биноларни ижарага бериш билан боғлиқ коррупциявий хавф-хатарлар;</p> <p>Ўзаро ҳамкорлик ва тасаррufий ташкилотлар фаолиятини мувофиқлаштириш билан боғлиқ коррупциявий хавф-хатарлар;</p> <p>Танловлар билан боғлиқ коррупциявий хавф-хатарлар;</p> <p>Турли хужжат турлари экспертизасини ўтказиш, шунингдек улар ижросини назорат қилиш билан боғлиқ коррупциявий хавф-хатарлар;</p> <p>Давлат назоратини амалга ошириш билан боғлиқ коррупциявий хавф-хатарлар;</p> <p>Вазирлик фаолиятидаги бошқа хавф-хатарлар.</p>
Коррупциявий харакатлар учун жавобгарлик	<p>Коррупциявий харакатлар учун интизомий жавобгарлик;</p> <p>Коррупциявий харакатлар учун жиноий жавобгарлик;</p> <p>Ўзбекистон Республикасининг коррупциявий харакатларга доир ишлари бўйича суд амалиёти шархи.</p>